

inter quæ Oleracea, fructus Horarii & Plantæ omnes aquosæ nimis, Pisces itidem, lendum & pituitosum liqvorem sudantes, ut sunt Anguilla, Tincæ & Rajæ, (vid. Excell Pechlantis de Aeris & Alimenti defectu cap 4.) Testacea, Cochlearæ & Ostreæ, recensentur; quibus accedit potus, non probè defæcatus, aut acore inquinatus, acidus & salsus, unde à Celeberr. Boyle Obj. de Salsed. Maris cap. 2. §. 2. notatur, quod è potu Aquæ marinæ homines scorbutici facti sint. Ordinariè vero fæces intra Viscera cum morâ longiori decumbentes, acorem per se contrahunt, qui in viscidum agens, distendendo quasi per bullulas, in Experimento Aceti cum lacte facto, conspicuas, id ipsum inflat, ut Cavitas, in qua hæret, mole repleatur, ructus descendant, Vomitus aliæque molestiæ procreentur.

§. 17.

Somnus & Vigiliæ nocent. Ratione prioris Spirituum quiescerit accusanda, hac enim motus sanguinis retardatur, lento inducitur, præprimis si jam vestigia quædam pro Viscidi generatione adsint; somnolentia etiam intenditur, dum à copia Viscidi Spiritus magis magisque suppressuntur. Cum itaque hic quoad motum in defectu peccet, illæ econtra in excessu cruciant, Effervescentiam in sanguine promovent, ut sulphureæ exacerbentur particulæ, & post sui deflagrationem vappam viscidam & insipillatâ relinquant. Motus & Quies, cum ad ejusdem mali generationem æque ac somnus & Vigiliæ concurrant, effectu etiam parum aut nihil inter se differant, (nisi quod circa quietem sedulitatem nimiam in studiis Medici ut plurimum dissuadant;) merito & has cum illis in uno conjungim⁹ paragrapho passiones.

§. 18.

Excreta & retenta ipsius quod Viscidi semina sunt; quando enim Excernenda retinentur & retinenda excernuntur, proh! quantæ Oeconomiae animali excitantur turbæ. Si nobiliores particulæ sulphureæ balsamicæ, & ad harmonicam sanguinis mixturam necessariae quæ data via, sicut circasudores colliquativos, Diabæten, Hemorrhagias aliosq; affectus observare licet, effundantur, scoriæ & excrementum viscidum residuum erunt; si retineantur, verbi gratia in Alvi adstrictione, Tenesmo, passione Cæliaca, Mensium suppressione, (unde etiam passiones hystericae seu suffocatio Uterica oriri possunt)

C